

Adroddiad i'r: Pwyllgor Archwilio Perfformiad

Dyddiad y Cyfarfod: 16 Mai 2013

Awdur yr Adroddiad: Y Cydlynnydd Archwilio

Teitl: Rhaglen Waith Archwilio

1. Beth yw byrdwn yr adroddiad?

Mae'r adroddiad yn cyflwyno blaenraglen waith ddrafft y Pwyllgor Archwilio Perfformiad er mwyn i'r aelodau ei hystyried.

2. Beth yw'r rheswm am lunio'r adroddiad hwn?

Ceisio cael y Pwyllgor i adolygu a chytuno'i raglen waith i'r dyfodol a rhoi'r diweddaraf i'r aelodau ar faterion perthnasol.

3. Beth yw'r argymhellion?

Bod y Pwyllgor yn ystyried y wybodaeth a ddarperir ac yn cymeradwyo, yn diwygio neu'n newid ei flaenraglen waith fel yr ystyria'n briodol.

4. Manylion yr adroddiad.

4.1 Mae Erthygl 6 Cyfansoddiad Cyngor Sir Ddinbych yn gosod amodau gorchwyl, swyddogaethau ac aelodaeth pob Pwyllgor Archwilio, wrth i reolau'r gweithdrefnau i bwyllgorau archwilio gael eu cyflwyno yn Rhan 4 y Cyfansoddiad.

4.2 Mae'r Cyfansoddiad yn amodi fod rhaid i bwyllgorau archwilio'r Cyngor baratoi a chadw adolygu rhaglen ar gyfer eu gwaith i'r dyfodol. Trwy adolygu a blaenoriaethu materion, gall aelodau sicrhau fod y rhaglen waith yn cyflwyno agenda dan arweiniad yr aelodau.

4.3 Arfer sydd wedi'i fabwysiadu yn Sir Ddinbych ers nifer o flynyddoedd yw bod pwyllgorau archwilio'n cyfyngu ar nifer yr adroddiadau a ystyrir mewn unrhyw un cyfarfod i uchafswm o bedwar, yn ogystal ag adroddiad rhaglen waith y Pwyllgor ei hun. Nod y dull hwn yw hwyluso dadl fanwl ac effeithiol ar bob pwnc.

4.4 Gofynnir i'r Pwyllgor ystyried ei raglen waith ddrafft ar gyfer cyfarfodydd y dyfodol, fel y manylir yn atodiad 1, a'i chymeradwyo, ei diwygio neu ei newid fel yr ystyria'n briodol gan ystyried:

- y materion a godwyd gan aelodau'r Pwyllgor
- y materion a gyfeiriwyd ato gan y Grŵp Cadeiryddion ac Is-gadeiryddion Archwilio

- perthnasedd i flaenoriaethau'r Pwyllgor/y Cyngor/y gymuned
 - Cynllun Corfforaethol y Cyngor ac Adroddiad Blynyddol Cyfarwyddwr y Gwasanaethau Cymdeithasol
 - bodloni'r baich gwaith
 - amseroldeb
 - canlyniadau
 - materion allweddol a gwybodaeth i'w cynnwys mewn adroddiadau
 - swyddogion ac/neu aelodau arweiniol y Cabinet y dylid eu gwahodd (gan ystyried oes angen iddynt fod yn bresennol neu a fyddent yn ychwanegu gwerth)
 - cwestiynau i'w gofyn i'r swyddogion/aelodau arweiniol y Cabinet
- 4.5 Wrth ystyried eitemau i'w cynnwys ar y blaenraglen waith i'r dyfodol, gallai'r aelodau ei chael hi'n ddefnyddiol ystyried y cwestiynau canlynol hefyd wrth benderfynu ar addasrwydd cynnwys pwnc ar y rhaglen waith:
- beth yw'r mater?
 - pwy yw'r rhanddeiliaid?
 - beth edrychir arno mewn manau eraill?
 - beth mae angen i graffu ei wybod? a
 - phwy allai gynorthwyo o bosibl?
- 4.6 Fel y crybwyllwyd ym mharagraff 4.2 uchod, mae Cyfansoddiad y Cyngor yn gofyn i bwyllgorau archwilio baratoi a chadw adolygu rhaglen ar gyfer eu gwaith i'r dyfodol. Er mwyn cynorthwyo'r broses o flaenoriaethu adroddiadau, os ydy'r swyddogion o'r farn fod pwnc yn haeddu cael amser i'w drafod ar agenda fusnes y Pwyllgor, mae'n rhaid iddynt ofyn yn ffurfiol i'r Pwyllgor ystyried derbyn adroddiad ar y pwnc hwnnw. Gwneir hyn trwy gyflwyno 'ffurflen gynnig' sy'n egluro pwrpas, pwysigrwydd a chanlyniadau posibl y pynciau a awgrymir. Nid oes y fath ffurflen gynnig wedi dod i law i'w hystyried yn y cyfarfod hwn.

Adroddiad Gwella Blynyddol Swyddfa Archwilio Cymru

- 4.7 Aildrefnwyd yr adroddiad blynyddol ar berfformiad y Cyngor o'r cyfarfod diwethaf i'r cyfarfod hwn. Fodd bynnag, gan mai dim ond yn ddiweddar y mae'r Cyngor wedi cael fersiwn ddrafft yr Adroddiad Blynyddol gan Swyddfa Archwilio Cymru, nid oedd yr adroddiad cyhoeddedig terfynol ar gael mewn pryd i'w gyflwyno i'r cyfarfod hwn. O ganlyniad, gyda chaniatâd y Cadeirydd, mae'r Adroddiad wedi'i aildrefnu i raglen waith y Pwyllgor ar gyfer ei gyfarfod ym mis Mehefin. Golyga hyn y bydd gan y Pwyllgor bum adroddiad ynghyd â'i raglen waith ei hun i'w hystyried fis Mehefin. Bydd sefyllfa debyg yn codi ym mis Medi. Felly, gofynnir i Aelodau ystyried a ydynt yn hapus i barhau â'r nifer hon o eitemau busnes ar gyfer cyfarfodydd mis Mehefin a mis Medi neu a ydynt am aildrefnu unrhyw rai o'r adroddiadau ar gyfer cyfarfod y dyfodol, neu gael unrhyw un fel adroddiadau gwybodaeth neu adroddiadau ymgynghori y tu allan i'r cyfarfod ffurfiol.

Blaenraglen Waith y Cabinet

- 4.8 Wrth benderfynu ar eu rhaglen waith i'r dyfodol, mae'n ddefnyddiol i bwyllgorau archwilio ystyried amserlen rhaglen waith y Cabinet. I'r perwyl hwn, mae copi o flaenraglen waith y Cabinet ynghlwm yn Atodiad 2.

Cynnydd ar Benderfyniadau'r Pwyllgor

- 4.9 Mae tabl sy'n crynhoi penderfyniadau diweddar y Pwyllgor ac sy'n rhoi gwybod i aelodau am gynnydd o ran eu gweithrediad ynghlwm yn Atodiad 3 i'r adroddiad hwn.

5. Y Grŵp Cadeiryddion ac Is-gadeiryddion Archwilio

Dan drefniadau archwilio'r Cyngor, mae'r Grŵp Cadeiryddion ac Is-gadeiryddion Archwilio'n perfformio rôl pwyllgor cydlynu. Cyfarfu'r Grŵp hwn ar 16 Ebrill ac ni chyfeiriwyd unrhyw eitemau at y Pwyllgor Archwilio Perfformiad i'w hystyried.

6. Sut mae'r penderfyniad yn cyfrannu at y Blaenoriaethau Corfforaethol?

Bydd archwilio effeithiol yn cynorthwyo'r Cyngor i gyflawni ei flaenoriaethau corfforaethol yn unol ag anghenion y gymuned a dymuniadau'r trigolion. Bydd datblygiad ac adolygiad parhaus o raglen waith gydlynol yn cynorthwyo'r Cyngor wrth fonitro ac adolygu materion polisi.

7. Beth fydd y gost a sut bydd yn effeithio ar wasanaethau eraill?

Gallai fod angen i wasanaethau glustnodi amser swyddog i gynorthwyo'r Pwyllgor gyda'r gweithgareddau a nodwyd yn y blaenraglen waith a chydag unrhyw gamau a allai ddeillio o'r ystyriaeth ganlynol o'r eitemau hynny.

8. Pa ymgynghoriadau a gynhaliwyd?

Nid oes angen rhai i'r adroddiad hwn. Fodd bynnag, mae'r adroddiad ei hun a'r ystyriaeth o'r flaenraglen waith yn cynrychioli proses ymgynghori gyda'r Pwyllgor mewn perthynas â'i raglen waith i'r dyfodol.

9. Pa risgiau sydd ac a oes unrhyw beth y gallwn ni ei wneud i'w lleihau?

Ni nodwyd unrhyw risgiau mewn perthynas â'r ystyriaeth o flaenraglen waith y Pwyllgor. Fodd bynnag, trwy adolygu ei flaenraglen waith yn rheolaidd, gall y Pwyllgor sicrhau bod y meysydd risg wedi'u hystyried a'u hastudio wrth iddynt gael eu nodi a gwneir argymhellion gyda'r bwriad o fynd i'r afael â'r risgiau hynny.

10. Y grym i wneud y penderfyniad

Mae Erthygl 6.3.7 Cyfansoddiad y Cyngor yn amodi bod rhaid i bwyllgorau archwilio'r Cyngor baratoi a chadw adolygu rhaglen ar gyfer eu gwaith i'r dyfodol.

Swyddog Cyswllt:

Cydlynnydd Archwilio

Rhif Ffôn: (01824) 712554

E-bost: csd_gweinyddol@sirddinbych.gov.uk